

Regio.
Situs.

Celi temperies.
Soli fertilitas.

Animalium va-
rietas.

Regnum Congi, alijs *Manicongo* amplum, potens & opulentum. A promontorio *S. Catharina* quod secun-
do gradu ab est ab *Æquinoctiali*, Austrum versus protenditur usque ad Promontorium *Ledo*. Ha-
betque ad Occasum Oceanum *Æthiopicum* ad Meridiem Montes *Lunæ*, & *Caseres* populos; ad Or-
tum Montem, aquo Fluvij emanant, qui in *Nili* fontes prolabantur: & ad Septentrionem territorium
Regni *Benin*. Mira hic Celi clementia incredibilisque Aeris temperies, hyeme atque æstate nunquam sævienti-
bus. Abundat Regio Frugibus, Tritico, Milio, Oryza, Arboribus fructiferis. Palmarum plures habet spe-
cies, unam quæ *Dactylos* producit, alteram quæ *Nuces Indicas*, tertiam ex qua *Oleum*, *Vinum*, *Acetum*, Pa-
nem conficiunt. Ex Arboris cacumine terebrato vel fisso, succus quidam lacti similis emanat qui initio dul-
cis, postea tractu temporis acescit. Ex Fructuum pulpa *Oleum* exprimitur nostro *Butyro* hand absimile, cu-
jus usus est in cibis, unctionibus, lucernis. Sunt & *Cassia*, & *Cedri* magna copia. Nec desunt in Hortis omnis
generis *Herbæ* ac Fructus, ut *Pepones*, *Melopepones*, *Cucumeres*, & similes, præter alia genera quæ cum no-
stris *Europæ* Climatibus non conveniunt. Omnis præterea hæc regio Metallorum dives est, etiam *Argentum*, im-
primis circa *Loandam* Insulam. Arborem etiam habet alibi *Ensada*, cuius rami tenuia quædam filamenta demit-
tunt, quæ ubi terram attrigerunt, sobolescent, excrescuntque in Arbores, mira propagandi aviditate. Anima-
lium varij generis hic ingens copia. Elephantum imprimis hic maximus proventus, quos vernacula lingua ipsi
Manzao vocant, miræ magnitudinis, quorum dentes cc libras pendunt. Reperitur & *Feræ* genus, ipsis *Zebra* di-
ctum, magnitudine & forma *Mulæ* instar. *Mulæ* autem genus non esse fœcunditas arguit: fœtum enim parit:
habetque pellem a ceteris Animalibus dissimilem, utpote trium diversorum colorum fascijs variegatam: nigris
nempe, albis & fulvis. Animal tantæ velocitatis atque feritatis, ut domari, neque ad Hominum usum accom-
modari ullo modo possit. Adagium *Lusitanis* hinc fertur, *Velox ut Zebra*. Sunt & hic, ut alibi, *Leones*, *Tigres*,
Vubali, *Onagri*, *Lupi*, *Vulpes*, *Cervi*, *Lepores*, *Cuniculi*, *Simiæ*, *Chamæleontes*, & *Serpentum* multa genera.
Item *Porci*, *Oves*, *Capri*. At non habent *Equos*, *Boves* aut alia lumenta humanis usibus apta. Quare ligneis
liquis,